

Liebe/r Leser/in, Begriffserklärungen finden sich unter folgendem Link:  
<http://www.katzbach.com/images/stories/pdf/Briefprokoll-Erklarungen.pdf>

[.....]

Obligation P[e]r: .30. f:

Georg Raab von Ponholz vnnd Anna  
dessen Zuekhünfftiges Eheweib /: welche  
Lorenzen Huefnagl Ghrts [Gerichts] procuratorn  
alhier für einen Anweiser erbetten, ./  
Bekhenen: vnnd ybernehmen ienige .30. f:  
welche Zuuor Andree Clainer aus der  
Eschlmais Gehabt, aus der Geörg  
Zilckherischen Vormundtschafft Zu Prosdorf  
vnnd Zwar aus Hanndten d[e]s ghrtlich  
Hieryber gesezten Vormundter Hansen  
Stainer von Rännerstorf, vnnd Hans  
Hannaberger von Prosdorf, Also:  
vnnd dergestalten, das sye entnemmere  
solche iedesmahl Zu heyl:[igen] Ostern Landts=  
gebreichigermassen verzünsen, vnnd  
nach einer beederseits beschechen Viertl=  
Jehrigen Vfkündigung wider anheimbs  
bezahlen wollen, damit aber ent=  
Zwischen vnnd Bisdahin die Puppillen  
vnnd der[e]n gedachte Vormundter vmb  
obiges Capital vnnd der hieruon Ver=  
fahlenen Zünsungen genuesamb

.164.

versichert seint Also thuen sye ent=  
nemmere selbige neben Verschreibung  
seines Völligen Vermögens, vnnd in Specie  
dessen besizenten Halben Hof zu Pon=  
Holz mit Hansen Kueffner den Eltern [dem Älteren] Vonn  
Gleissenberg vnnd Hannsen Engl aus der  
Eschlmais Vnuerschaidtentlich Verporgen  
welche dann auch solche Porgschaft Frey=  
willig Vf sich Genommen, vnnd das sye  
sowohl vmb das Capital als auch die  
Zünsungen selbst Gelter, vnd Zaller  
sein wollen, bey Ghrte handstreichlich ange=  
lobt haben, Negstdeme hat sich auch die  
eingangs mitentnemmene Anna all ihrer  
weiblichen sprich: vnnd Freyheiten /: deren  
sye durch Vorernant ihren Anweiser  
Genuesamb eründert: vnnd informirt word[en]

ist ./ solanng: vnnd vill verzich[t]en: vnnd be=  
geben Bis ersagtes Capitall sambt den  
hieruon Verfahlenen intee: wider völli  
abgericht:[et] vnnd bezalt sein würdt,  
Geschechen den .12. Martÿ anno .1708.

Zeugen

Hanns thoma[s] Clain von Spilberg:  
vnnd Hans Meixner von Lottersdhof. [Lodischhof]

© Transkription by Josef Ederer Katzbach 33

Datei: 00006-Staam\_2018-12-20\_15-04-26